

Auglýsing

30

2. mars

um staðfesting stjórnarráðsins á reglugjörð fyrir mjólkursölu í Reykjavík.

Samkvæmt lögum nr. 64, 10. nóvember 1905, um heilbrigðissamþykktir fyrir bæjar- og sveitarfjelög, er hjermeð staðfest eftirrituð reglugjörð fyrir mjólkursölu í Reykjavík.

Reglugjörð

fyrir mjólkursölu í Reykjavík.

1. gr.

- a) Allir, sem vilja gjörast mjólkursalar í Reykjavík, skulu sækja skriflega um það til lögreglustjóra, og skal umsókninni fylgja vottorð dýralæknis um það, að fjós og nautgripir mjólkurframleiðanda sjeu í góðu lagi, og skal mjólkursali á hverju ári í aprílmánuði senda lögreglustjóra slíkt vottorð. Að fengnu söluleyfi ber umsækjanda að fullnægja ákvæðum heilbrigðissamþykktar kaupstaðarins, og skal hann vera háður eftirliti heilbrigðisnefndar. Sjerhver mjólkursali er skyldur til að tilkynna lögreglustjóra tafarlaust frá hvaða heimilum mjólkin sje, sem hann selur, hvar í bænum salan fer fram, og sömuleiðis flutning sölustaðar.
- b) Bæjarbúar þeir, er framleiða mjólk til sölu, skulu tilkynna það lögreglustjóra, og skal þeirri tilkynningu fylgja vottorð dýralæknis um það sama, sem tekið er fram undir a-lið.

Þeir skulu geyma mjólkina og selja í sæmilegum húsakynnum, sem heilbrigðisfulltrúi telur viðunandi.

- c) Heimilt er áreiðanlegum mjólkursölum að kalla mjólk sína barnamjólk, en hlíta verða þeir ákvæðum væntanlegrar reglugjörðar þar að lútandi.

2. gr.

Fita skal minst:
 í kaffirjóma 15%
 í þeytirjóma 25%
 í nýmjólk 3,25%
 í undanrennu $\frac{1}{2}$ %

Eðlisþyngd nýmjólkur sje við 15° C. 1,028—1,034, undanrenningar 1,032—1,036. —

3. gr.

Bannað er að selja mjólk, sem er:

1. Óeðlileg á lit eða lykt, beisk eða sölt á bragðið, slímkend, blóðblandin, strimluð eða súr.
2. Úr veikum kúm, svo ástæða sje til að ætla að hún sje óholl.
3. Blönduð vatni, ís eða öðrum efnum, hvort heldur þau eru sett í mjólkina til þess að hún haldi sjer betur eða í öðrum tilgangi.
4. Óhreini er mjólkinn, ef sýnilegt grugg sest undir hana á einum klukkutíma.
5. Nýmjólk, sem er svikin á þann hátt, að rjómi hefir verið tekinn úr henni, eða hún hefir verið blönduð með undanrenningu, eða síðasta mjólkinn úr júgrinu tekin frá.

Bannað getur heilbrigðisnefnd mjólkursölu, ef óprifalega er farið með mjólkina, eða hreinlæti og hirðing kúnna er í svo löku lagi, að erfitt sé að forðast að mjólkinn óhreinkist; sömuleiðis ef næmur sjúkdómur er á heimili mjólkurframleiðanda eða mjólkursala.

Broddmjólk má ekki selja saman við aðra mjólk

4. gr.

Kæla skal mjólkina strax eftir að búið er að mjólka, þannig, að á vetrum sjeu ílátin sett út, meðan mjólkinn kólnar, og á sumrin sjeu mjólkurílátin sett ofan í kalt vatn hæfilegan tíma. Í sölubúðum skal hafa útbúnað til að kæla mjólkina þegar þörf gerist.

5. gr.

Öll mjólk skal flutt til bæjarins og um hann í lokuðum, þrifalegum vögnum. Þó skal leyfilegt að tjalda yfir mjólkurílátin með segldúk í opnum vögnum, enda sjeu sá útbúnaður svo, að ílátin sjeu varin ryki og óþverra. Við allan flutning mjólkur og mjólkuríláta skal gæta ítrasta hreinlætis. Skyllt skal að búa svo um mjólkurílátin, að frost nái ekki mjólkinni.

6. gr.

Ekki má flytja, geyma eða selja mjólk í ílátum úr eir, messing eða sinki, nema tínuð sjeu að innan, nje öðrum ílátum, sem spilla mjólkinni, sjerstaklega ryðguðum. Sama gildir um krana í mjólkurílátum.

Öll mjólkurílát, sem mjólk er flutt í til útsölustaðanna skulu vera með svo víðu opi, að hendi fullorðins manns komist ofan í þau. Undanskildar eru þó glærar flöskur. Mjólkurmál skulu vera með handfangi og fullnægja að efninu til sömu skilyrðum og önnur mjólkurílát. Mjólkurílátin má aldrei hafa undir annað en mjólk, nema heilbrigðisfulltrúi leyfi.

Ef þjetta þarf lok mjólkuríláts, sem mjólk er flutt í til útsölustaða, skal það gert með togledurshring. Sjerhver mjólkurframleiðandi, sem hefir útsölu á

mjólk í Reykjavík, er skyldur til að merkja mjólkurilát sín með glöggu eignar-
nafni, og senda þau innsiglið til útsölustaðanna.

30
2. mars

Öll mjólkurilát skulu vandlega hreinsuð.

7. gr.

Öll mjólkursala á götum úti er bönnuð, nema í lokuðum ílátum óáteknum.

8. gr.

Mjólkursölubúðir skulu fullnægja eftirfarandi skilyrðum :

1. Búðin skal björt, loftgóð og auðvelt að hreinsa. Veggir skulu annaðhvort málaðir ljósir eða kalkaðir, og sjeu þá kalklitaðir árlega. Loftið skal fyllilega þjett, rykhelt, gólfíð vatnshelt, hellulagt, þakið linoleum, vandlega mál-
að eða gjört svo jafngildi þessu.
2. Bekkir eða hyllur skulu vera fyrir mjólkurilátin og bakkar undir málin.
3. Búð og ílátum skal halda vandlega hreinum, gólf þvegin daglega, en aldrei sópuð.

Í mjólkurbúðum má ekki án leyfis heilbrigðisnefndar selja annað en brauð, kökur, mjólk, grjón, smjör, smjörlíki og egg.

Sölumaður skal laus við næma og viðbjóðslega kvilla, vera hreinlega til fara, helst í hvítum ytri klæðum.

Í mjólkurbúð má hvorki sofa nje matast. Liggi svefnherbergi eða eld-
hús að búðinni, skal vel feld hurð á milli, sem jafnaðarlega sé læst.

9. gr.

Sýkist maður á heimili mjólkursala, í húsi því, er mjólk er seld, skal það tafarlaust tilkynt heilbrigðisfulltrúa.

10. gr.

Heimilt skal heilbrigðisfulltrúa hvenær sem vera skal að athuga sölu-
búðir, ílát, mjólk, fjós og annað, sem að mjólkursölu eða þrifnaði lýtur. Skylt skal að láta honum í tje endurgjaldslaust mjólk til rannsóknar. Heilbrigðisfull-
trúi skal skyldur til að rannsaka mjólk, ef mjólkursalar óska þess.

11. gr.

Heimilt skal heilbrigðisfulltrúa að ónýta mjólk, sem sala er bönnuð á, samkvæmt reglugjörð þessari. Sje hún grunsóm, má kyrsetja hana. Skylt skal að láta rannsaka nýmjólk á efnarannsóknarstofu, ef heilbrigðisfulltrúi telur þess þörf, og greiðir bæjarsjóður kostnaðinn við þá rannsókn.

30
2. mars

12. gr.

Brot gegn ákvæðum reglugjörðar þessarar varða sektum alt að 200 kr.

Reglugjörð þessi öðlast gildi 1. apríl 1912.

Þetta er hjermeð gjört heyrum kunnugt.

Í stjórnarráði Íslands, 2. mars 1912.

Kristján Jónsson.

Eggert Briem.

31 **Staðfesting konungs** á skipulagsskrá fyrir Minningarsjóð Hannesar Hafsteins, útgefin á venjulegan hátt að mandatum af ráðherra Íslands 4. mars 1912. Skipulagsskráin er þannig:

Skipulagsskrá

fyrir Minningarsjóð Hannesar Hafsteins.

1. gr.

Sjóður þessi, sem stofnaður er af íslenskum konum á fimtugs afmæli H. Hafsteins, sem þakklætisvottur fyrir aðgjörðir hans í því að útvega konum jafnrjetti við karlmenn til náms og embætta, og nemur nú um áramótin 1400 krónum, skal heita:

Minningarsjóður Hannesar Hafsteins.

2. gr.

Sjóð þenna, ásamt því, sem við hann bætist eftirleidis með gjöfum og samskotum, vöxtum eður á annan hátt, skal fyrst um sinn ávaxta þannig, að kaupa fyrir hann bankavaxtabrjef, innlagsskirteini í öðrum hvorum bankanna eða trygg verðbrjef, er gefi sem bestan arð eður vexti.